

Y CABINET DYDD MAWRTH, 28 MEHEFIN 2016

Yn bresennol-

Y Cynghorwyr: Dyfed Wyn Edwards (Chairman), Dyfrig L. Siencyn (Is-Gadeirydd), Peredur Jenkins, John Wynn Jones, Dafydd Meurig, W. Gareth Roberts, Mair Rowlands, Gareth Thomas, Ioan Thomas, Mandy Williams-Davies a Beth Lawton (Cadeirydd Pwyllgor Craffu Gwasanaethau)

Hefyd yn bresennol-

Dilwyn Williams (Prif Weithredwr), Morwena Edwards (Cyfarwyddwr Corfforaethol), Iwan Trefor Jones (Cyfarwyddwr Corfforaethol), Dafydd L. Edwards (Pennaeth Cyllid), Iwan G. Evans (Pennaeth Gwasanaeth Cyfreithiol), Dylan Rhys Griffiths (Rheolwr Strategaeth a Datblygu), Gareth Jones (Uwch Reolwr Gwasanaeth Cynllunio ac Amgylchedd), Hawis Jones (Rheolwr Cynllunio Strategol a Pherfformiad) a Dafydd Wyn Williams (Pennaeth Rheoleiddio Dros Dro),

1. YMDDIHEURIADAU

Croesawyd Aelodau'r Cabinet a Swyddogion i'r cyfarfod.

Ni dderbyniwyd unrhyw ymddiheuriadau.

2. DATGAN BUDDIANT PERSONOL

Datganwyd fuddiant personol gan y Cynghorwyr Dyfrig Siencyn a Peredur Jenkins yn Eitem 8 y rhaglen oherwydd bod yr adroddiad yn cynnwys diweddariad ar brosiect i sefydlu un Ysgol Ddalgyllchol cyfrwng Cymraeg 3-16 oed yn nalgylch Ysgol y Gader. Mae gan y Cyng. Siencyn blentyn yn yr ysgol ac mae'n aelod o Gyrrff Llywodraethol Ysgol y Gader ac Ysgol Gynradd Dolgellau. Mae'r Cyng. Jenkins yn aelod o Gorff Llywodraethol Ysgol y Gader ac yn is-Gadeirydd Corff Cysgodol yr ysgol ddalgyllchol newydd, Ysgol Bro Idris.

Cynghorodd y Swyddog Monitro oni bai bod trafodaeth benodol ar y testun hwnnw, ei fod yn ddigonol eu bod wedi datgan buddiant ac nad oedd yn fuddiant oedd yn rhagfarnu.

3. MATERION BRYD

Nid oedd unrhyw faterion bryd.

4. MATERION YN CODI O BWYLLGORAU CRAFFU

Croesawodd y Cyng. Dyfrig Siencyn y Cyng. Beth Lawton, Cadeirydd y Pwyllgor Craffu Gwasanaethau i'r cyfarfod.

Croesawodd y Cyng. Siencyn y cyfle i gryfhau'r cyfathrebu uniongyrchol rhwng y Cabinet a'r Pwyllgor Craffu. Roedd yr adroddiad a gyflwynwyd yn cynnwys argymhellion a sylwadau gan y Pwyllgor Craffu Gwasanaethau ar bedwar eitem.

Ymateb i'r adroddiad -

A. Eitem – Strategaeth Lletya Pobl Hyn

Nododd y Cyng. W Gareth Roberts yr argymhellion a gyflwynwyd gan y Pwyllgor ac fe fydd yn trafod materion yn ymwneud â'r gydnabyddiaeth ariannol ychwanegol sydd ei angen gyda'r swyddogion perthnasol. Nododd y bwriad i ddiweddarau'r Pwyllgor Craffu yn dilyn hyn a croesawodd unrhyw drafodaethau pellach.

B. Eitem – Adroddiad Blynyddol AGGCC (Arolygaeth Gofal a Gwasanaethau Cymdeithasol Cymru) 2014-15 – Rhaglen Waith

Pwysleisiodd y Cyng. Beth Lawton yr angen i enwebu'r aelodau a enwir yn yr adroddiad i'r cyfarfod i gynorthwyo'r swyddogion a'r Aelod Cabinet perthnasol wrth lunio briff ar gyfer y cynllun strategol mewn perthynas â chymorth i ofalwyr, a nododd y diffyg datblygiad ar y gwaith yma. Nododd y Cyng. W Gareth Roberts y bydd yn trafod yr argymhellion ymhellach gyda'r Adran Oedolion, Iechyd a Llesiant ac yn adrodd yn ôl i'r Pwyllgor Craffu yn dilyn y trafodaethau hynny.

Gwnaeth y Cyng. Mair Rowlands gais bod gofalwyr ifanc yn derbyn ystyriaeth wrth lunio briff i'r cynllun strategol mewn perthynas â'u cefnogaeth, a nododd ei pharodrwydd i fod yn rhan o drafodaethau o'r fath.

C. Eitem – Adroddiad Blynyddol y Gwasanaeth Addysg

Nododd y Cyng. Beth Lawton y bwriad i'r Ymchwiliad Craffu Gwasanaethau Cefnogol Addysg gyflwyno adroddiad ar ei waith i'r Aelod Cabinet Addysg yn y dyfodol agos.

Fe nododd hefyd bod trefniadau bellach wedi eu gwneud i'r Aelod Cabinet Addysg gyflwyno adroddiad interim yn ôl i'r Pwyllgor Craffu er mwyn gweld beth yw patrwm canlyniadau arholiadau'r haf. Bydd hyn yn cymryd lle ym Medi 2016.

Eglurodd y Cyng. Gareth Thomas yr anhawster i adrodd ar yr holl faterion perthnasol mewn un adroddiad blynyddol a'r cytundeb, felly, i wahanu ei gynnwys i ddau wahanol adroddiad yn y dyfodol. Croesawodd y sylw penodol fydd y Pwyllgor yn ei roi i Addysg Arbennig yn ei raglen waith ar gyfer flwyddyn nesaf, ac mae'n edrych ymlaen at gydweithio gyda'r Pwyllgor.

CH. Eitem – Polisi Cludiant – Adran Oedolion a Llesiant

Pwysleisiodd y Cyng. Beth Lawton y diffyg eglurdeb ar y broses apêl, a nododd ddymuniadau'r Pwyllgor i wneud trefniadau gyda'r Aelod Cabinet a'r swyddogion perthnasol i drafod hyn ymhellach.

Cadarnhaodd y Cyng. W Gareth Roberts y bydd yn gwneud yr ymholiadau perthnasol ac yn trafod gyda'r Pwyllgor er mwyn gwneud y trefniadau priodol.

Gofynnwyd i'r Aelod Cabinet hefyd sicrhau bod Asesiad Effaith Cydraddoldeb priodol yn cael ei gynnal, gan roi sylw penodol i unrhyw faterion cyn cyflwyno'r polisi i'r Cabinet am gymeradwyaeth.

Diolchodd y Cyng. Dyfed Edwards i'r Cyng. Beth Lawton a'r Pwyllgor am eu gwaith, a croesawodd y drafodaeth ddefnyddiol.

5. COFNODION Y CYFARFOD A GYNHALIWDYD AR 7FED MEHEFIN 2016

Llofnododd y Cadeirydd gofnodion cyfarfod y Cabinet a gynhaliwyd ar 7fed o Fehefin 2016.

6. CYNLLUN CYFLOGAETH LLŶN AC EIFIONYDD

Cyflwynwyd yr adroddiad gan y Cyng. Mandy Williams-Davies.

Eiliwyd yr adroddiad gan y Cyng. John Wynn Jones.

PENDERFYNIAD

Mabwysiadu 'Cynllun Cyflogaeth Llŷn ac Eifionydd' fel sail ar gyfer cyfeirio ymdrechion y Cyngor a'i bartneriaid i gynnal a chreu gwaith yn ardal Dwyfor.

7. LÔN LAS OGWEN

Cyflwynwyd yr adroddiad gan y Cyng. Dafydd Meurig.

Eiliwyd yr adroddiad gan y Cyng. W Gareth Roberts.

PENDERFYNIAD

Cefnogi'r cynllun i'w weithredu fel rhan o raglen gyfalaf yr Adran Rheoleiddio yn 2016/17 gan ddefnyddio'r grant o'r Gronfa Trafnidiaeth Lleol a chyllid adrannol sydd wedi ei adnabod at ddibenion y prosiect.

8. TROSOLWG PERFFORMIAD CYNGOR GWYNEDD

Cyflwynwyd yr adroddiad gan y Cyng. Dyfed Edwards.

Eiliwyd yr adroddiad gan y Cyng. Gareth Thomas.

PENDERFYNIAD

Derbyn a nodi'r wybodaeth a gyflwynwyd yn yr adroddiad i'r cyfarfod, gan weithredu ar unrhyw argymhellion.

9. BLAENRAGLEN WAITH CABINET CYNGOR GWYNEDD

Cyflwynwyd y Flaenraglen Waith gan y Cyng. Dyfed Edwards.

PENDERFYNIAD

Cymeradwyo'r Flaenraglen a gynhwyswyd yn y papurau i'r cyfarfod, yn amodol ar wneud yr addasiadau isod:

- Cyng. Dafydd Meurig ddim i gyflwyno 'Safle Glyn Rhonwy' i'r Cabinet ar 12 Gorffennaf 2016.
- Cyng. Peredur Jenkins ddim i gyflwyno 'Adolygu Strategaeth Ffordd Gwynedd' ar 12 Gorffennaf 2016, ond ei ohirio i gyfarfod o'r Cabinet yn ystod Chwarter 4 2016/17.

Dechreuodd y cyfarfod am 1.00 y.h. a daeth i ben am 2.45 y.h.

CADEIRYDD